



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024. godine, objavljen je;

JAVNI POZIV NEZAPOSLENIM OSOBAMA

DA SE PRIJAVE ZA UČEŠĆE U PROGRAMU ZAPOŠLJAVANJA ŠEHIDSKIH PORODICA I PORODICA POGINULIH BORACA – BRANITELJA, MALOLJETNIH DEMOBILISANIH BORACA, RATNIH VOJNIH INVALIDA I ČLANOVA NJIHOVIH PORODICA

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe prijavljene na evidenciju nezaposlenih u Kantonu Sarajevo, a koje imaju status šehidske porodice i porodice piginulog borca – branitelja, maloljetnog demobilisanog borca, ratnog vojnog invalida i članove njihovih porodica da preuzmu svoj Vaučer za posao i pronađu poslodavca sa područja Kantona Sarajevo koji će ih zaposliti u najvišoj stručnoj spremi za koju su se školovali.

Cilj Programa zapošljavanja šehidskih porodica i porodica piginulih boraca – branitelja, maloljetnih demobilisanih boraca, ratnih vojnih invalida i članova njihovih porodica (u daljem tekstu: Program) je kraće trajanje nezaposlenosti, te stvaranje prepostavke za njihovo dugoročno zaposlenje.

II

Služba će poslodavcima koji budu obuhvaćeni ovim programom, mjesечно, 24 mjeseca, refundirati sredstva u ukupnom iznosu od 1.000,00 KM, po novouposlenoj osobi iz ciljne skupine. Svi drugi troškovi padaju na teret poslodavca.

III

U Programu pravo učešće imaju nezaposlene osobe sa statusom šehidskih porodica i porodica piginulih boraca – branitelja (roditelji, bračni partner i djeca), nezaposlene osobe koje su maloljetne stupile u Armiju Bosne i Hercegovine, Hrvatsko vijeće obrane i policiju nadležnog organa unutrašnjih poslova i koje su učestvovali u pripremama za odbranu i odbrani Bosne i Hercegovine u periodu od 18.09.1991. do 22.04.1996. godine, minimalno godinu dana, pod uslovom da ne postoje okolnosti iz člana 36. Zakona o pravima boraca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17), nezaposlene osobe sa statusom ratnog vojnog invalida od najmanje 20% invaliditeta kao i članovi porodice (djeca i supružnik) ratnog vojnog invalida od najmanje 20% invaliditeta, prijavljene na evidenciju nezaposlenih u Kantonu Sarajevo, te poslodavci registrovani u Kantonu Sarajevo.

IV

Nezaposlene osobe koje ispunjavaju uslove iz člana III Javnog poziva dužne su u Službi preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju u orginalu ili ovjerenoj fotokopiji priložiti:
 - rješenje o registraciji u Kantonu Sarajevo (za pravna lica koja su u skladu sa Zakonom obavezna izvršiti upis u sudski registar, aktuelni izvod iz sudskog registra poslodavca ne smije biti stariji od 60 dana od dana podnošenja aplikacije),
 - uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
 - Vaučer/e za posao popunjeno od strane nezaposlene osobe/a i poslodavca,
 - dokaz da osoba/e ima/ju status ciljne kategorije koje se zapošljavaju po Programu.

U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine ili uvjerenje da poslodavac vrši uplate po potpisanim ugovorom,
2. Poslodavci koji nemaju nijednog radnika ili osobu prijavljenu na penzijsko – invalidsko osiguranje,
3. Udruženja, zadruge i fondacije.

V

Poslodavci korisnici ovog Programa dužni su zaključiti ugovore o radu sa osobama iz ciljne skupine na period od najmanje 36 mjeseci uz mogućnost probnog rada u trajanju do 3 mjeseca, te prilikom potpisivanja ugovora o sufinsansiranju dužni su dostaviti instrumente za obezbjeđenje sredstava (bjanko mjenica ili garancija banke).

Odredbe iz predhodnog stava ne odnose se na poslodavce iz javnog sektora.

VI

Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinsansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinsansiranju.

Izuzetno, odredbe iz prethodnog stava se ne odnose se na poslodavce iz javnog sektora.

Poslodavcu se neće sufinsanirati zapošljavanje osoba koje je već zapošljavao, a kojima je prestao radni odnos kod tog poslodavca nakon objave javnog poziva za Program.

VII

Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida i prije isteka 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe.

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

Poslodavci mogu odmah nakon podnošenja aplikacije zaposliti osobe sa vaučera na vlastitu odgovornost i teret, a refundacija sredstava teče od dana potpisivanja ugovora o sufinansiranju, te poslodavcima korisnicima programa može se omogućiti zapošljavanje jedne zamjenske osobe ukoliko je prvo bitno zaposlena osoba samoinicijativno raskinula ugovor o radu.

Rok za realizaciju Programa je 40 mjeseci od dana potpisivanja pojedinačnih ugovora, uključujući i eventualne anekse ugovora.

VIII

Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.

Nepotpuni i nelagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

IX

Rezultati ovog javnog poziva biće objavljeni na web stranici Službe.

X

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-082.

